

經部

詳校官監察御史及襲勢文

給事中日温常殿覆勘

校對官學正臣湯 總校官無吉士臣何思釣 於録監生 臣曹方昇 垣

というしへいう 催記集說 始也 一唯為社田國人 垂象取財於地 皆住祭社於都鄙 撰 取法

金切りたろう **較一乘乘或為鄰** 四丘六十四井曰甸或謂之乘乘者以於車賦出長 在天成象在地成形也財並在地出故為人所取人 者欲明地故引天為對地有其物天皆垂其象所謂 張本也地載萬物者釋地所以得神之由也天垂系 於天故尊而祭之天子祭天是也所取財者故親而 知四時早晚皆放日月星辰以為耕作之候是取法 孔氏曰言立社之於是神明於地之道發此句為下

庶民祭之以教民美報故也卿大夫之家主祭土神 祭之一切親地而共祭社是也地既為民所親故與 社是也單盡也里居也社既為國之本故若祭社則 於中電天子諸侯之國主祭土神於社以土神生財 合里之家並盡出故云單出里也此唯每家出一人 以養官與民故皆祭土神示其生養之本也社事祭 不人人出也鄭註皆住祭社於都鄙者案周禮都鄙 公卿大夫之釆地此卿大夫祭社其里之人皆住就

次ピヨ東という

禮犯集就

社用牲此明祭社用米也丘乘者都都井田也九夫 **畢盡也作行也既人人得社福故若祭社先為社獵** 祭此據采地言之也唯為社田國人畢作者田獵也 本反始結美報也案皇氏曰天子諸侯祭社則用籍 為井四井為邑四邑為丘四丘為乘唯祭社則使丘 則國中之人皆盡行也唯社丘來共來盛者獨說祭 田之毅大夫以下無籍田若祭社則丘乘共之示民 **乘共其寒感也楽稷也稷曰明楽在器曰盛所以報** 表六十五 大いり見んごう 楽盛是社所生故云反始也 地為明而祭之以其神故此言社所以神地之道天 嚴陵方氏曰主以陰氣而位於北墉凡此皆祭地以 矣載物以利民用故言取財於地垂象以示民則 者不明則其道與人絕矣明者不神則其道與人 為神而祀之以其明故後言郊所以明天道也且 其神也主以日而位於南郊凡此皆祀天以其明心 禮記集就

出力也國人畢作是報本而丘乘共來盛是反始言

美哉出里謂離所居也作謂起行也出里與作互言 言取法於天取財則有所養養者母道也故親而不 尊取法則有所教教者父道也故尊而不親夫天心 言其地也乘言其賦也夫社者陰之神軍者陰之司 使軍賦之家而共深盛於社各從其類也故将以 之所以施於人者固美矣則人之報之也可不盡以 則宜乎社不用命則戮于社軍行則被于社凱旋 之國單畢皆盡也亦互言之故周官亦謂之竭作品

金灯口月子書

基六十五

非祭社則不必如是故每言唯馬則以本始有在乎 獻于社皆以是爾故此不曰丘民而必曰丘乘也以 尊而不親地近於人則親而不尊故在天則明之欲 郊所以明天之道也地以成物為功而其功顯故聖 馬氏曰天以生物為功而其功幽故聖人聞之而為 此而報反之禮不可不重故也 民尊而親之也在地則神之欲民親而尊之也萬物 則敛之而為社所以神地之道也以天遠於人則

とこう見 ひこう

禮記集就

乘共渠盛人不受其財也此皆報本反始之意也 無羨也唯為社田國人畢 作人不愛其力也唯 社丘 者示其不敢忘本之意也古者凡起徒役母過家一 本乎天而亦本乎土故家以中雷為主國以社為主 横渠張氏曰家主中雷家非止卿大夫之家也祭中 此近於家出一人也國人畢作此所謂竭作而其餘 雷者祭其明也亦報天之義以不敢祭天故祭此明 人以其餘為羨唯田與追胥竭作唯為社是單出里

金庆四月全書

卷六十五

とこうえ こより 單類立社天子諸侯皆有自為立社士大夫不敢自 家老行事也今贵而至天子賤而至農夫皆知禮社 各為社則恐結單類以為社共事之然士大夫方社 同事於社稷似非其類也恐是士大夫以下各以其 夫長於壓里之間與百姓居者立社則大夫與百姓 而已社土神也大夫以下成羣立社曰置社者謂大 獨士大夫之家不預社事是不知身之所從来殊無 之日當從其君以禮社則所事於置社者或以子弟 禮記集就

剑连四库全書 戴天履地之報古者丘乘共來盛恐十里之中立 掌令丘乘之法蓋四邑為丘而丘作其甲則春秋所 社也 晚於戰陣也春秋之法作丘甲則書之而周官稍人 雷而已社事單出里所以重民也社田畢作欲其皆 延平周氏曰周官以血祭祭社稷五祀中雷五祀之 以罪丘賦之重至四丘為甸出兵車一乘則周官之 而社稷之次故有國者以社為主而有家者則中

ている夏んら 者其本始皆出於社而共寒風所以報本反始也 神也亦以殺為主而出兵必告馬故社之祭必使丘 通法也是猜四丘然後出兵賦而丘以殺為主社陰 長樂劉氏曰役於公則家有定員役於社則美徒皆 乘之家共策威者示其丘乘之兵所以能以殺為主 作人人求福於其身也天子諸侯郊社宗廟粢盛取 日報本知平水土始於勾龍知攜五穀始於后稷故 於神倉大夫都鄙粱盛取於丘乘也衣食本乎土故 檀记集就

剑穴四月在書 誓社以習軍旅左之右之坐之起之以觀其習變也而 流示之禽而鹽諸利以觀其不犯命也求服其志不貪 季春出火為焚也然後簡其車賦而歷其卒伍而君親 其得故以戰則克以祭則受福 以為配是曰反始馬 金華唐氏就見前 鄭氏曰凡出火以火出建辰之月火始出焚謂焚萊 也簡歷謂算具陳列之也君親誓社誓吏士以習軍 卷六十五

得也 仲春以火田田止弊火然後獻禽至李春出火而民 旅既而遂田以祭社也言祭社則此是仲春之禮也 歆艷之觀其用命否也謂禽為利者凡田大獸公之 省流猶行也行行田也鹽讀為艷行田示之以禽使 乃用火令云季春出火乃親誓社記者誤也社或為 孔氏曰此一節論仲春祭社之前田獵取禽以祭社 小禽私之失伍而獲猶為犯命是求服其志不貪其

を見り見 をち

禮記果就

獲福之事祭社既用仲春用焚當在仲春記者以季 故晉士文伯機之若田獵之火則昆蟲蟄後得火田 夏三月故左氏昭六年鄭人鑄刑書火未出而用火 焚燒除治宿草出火謂出陶冶之火案春秋火出為 春民始出火遂誤以天子諸侯用焚為李春也焚謂 歷其百人之卒五人之伍君親誓此士衆以習軍旅 以至仲春也既焚之後簡選車馬及兵賦器械之屬 既而遂田以所得之禽獸因以祭故云親誓社或左

金月山月月

或右或坐或起戒勃之以習軍旅君親自觀於習武 求欲服其士卒之志使進退依禮不欲貪其犯命尚 嚴陵方氏曰木氣終於辰故火順所生而見司熣於 得於禽言失伍得禽不免罰也其所為得禮故戰則 變動之事教陣訖而行田禮驅禽於陣前以示士卒 克勝祭則受福 示流示之禽也利則禽也驅禽示之而歆艷之以小 禽之利也於此之時觀其士卒犯命與不犯軍命者

次已の事という

檀把集筑

金月四月八十 事爾牧師凡田事賛焚來是矣田雅之禮周官則行 季春則出火馬水氣兆於戊故火受所勝而沒司惟 必先之以焚者蓋焚其宿草而後可田故也且社主 為廣客三為充君之庖則田固有不為社者矣夫社 於季春則納火馬聖人奉天時則為奘者特出火之 民社則出火之田非為社也王制三田一為乾豆二 此同此之所言亦泛記異代爾月令仲春擇元日命 之於仲月而與此異孤詩月令則行之於季月而與 卷六十五

法立於伍成於卒故也簡言於利否有所擇歷言於 車徒也以至車驟徒趨車馳徒走險野人為主易野 夷險有所經曰簡曰歷亦互言之故大司馬止曰選 之職五人為伍五伍為两四两為卒卒伍者軍旅之 之至於通通十為成成出革車一來者是矣小司徒 選車徒皆謂是爾車賦者即司馬法自六尺為歩積 月令所謂教於田獵以習五戎車攻所謂因田獵而 除除主殺則為社而有田因田而習軍旅不亦宜乎

大巴马及人士

禮記集就

金月四月子書 車為主皆簡歷之也誓即所謂犀吏聽誓于陳前是 獲禽則無賞所謂大獸公之小獸私之是賞之之意 作進退之節是矣左右之位坐起之節亦莫不教馬 右之即以旌為左右和門是矣坐之起之即以教坐 夫田之複禽猶戰之獲屬也戰之獲屬有賞而田之 行以示之所謂設驅逆之車是矣此則鹽之以利也 凡以觀其習應變之事也流示之禽者驅其禽而流 也誓特誓田而已而曰社者以為社而田故也左之 卷六十五

大正可見という 事而不田曰不敬故因其無事而歲三田則祭之備 蓋小人見利而忘法凡此但求服士卒之志使之不 者戰陣之人也歷有試之意 馬氏曰車賦者戰之器也有器則不可無人故卒伍 失伍爾不貪其所得之禽也夫以不教民戰是謂棄 之故因其田以習軍旅則戰之備也故以戰則克無 也故以祭則受福)若失伍而獲禽則所利者小所害者大光有罰忌 禮把察就 t

金灯口及 台灣 官田獵于仲月邀詩月令與此行于季月不必同 延平周氏曰火星以春見以秋沒故季春出火季秋 **盱江李氏曰大司馬中春教振旅遂以蒐田火弊獻** 山陰陸氏曰孔子曰我戰則克祭則受福用是道 閱遂以狩田徒弊致禽饁獸于郊入獻禽以享 孫夫 納火皆聖人奉天時也則為焚者特出火一事耳周 禽以祭社中夏教发含遂以苗田車弊獻禽以享於 秋教治兵遂以彌田羅弊致禽以祀祊中冬教大

然而不祥之器不得已而用之若無故而習是習殺 **发舍而振旅之陳辨號名之用以辨軍之夜事秋教** 鼓鐸鍋鏡之用以教坐作進退疾徐疏數之節夏教 守國之備不可以不素習也不素習則酸市人而戰 師出如振旅之陳辨旗物之用至冬大閱簡軍實馬 之未足為喻也是故春教兵入平列陳如戰之陳辨 獨冬,行而教馬鳥獸魚鼈皆孟血氣若無故而殺是 人也非示天下不復用兵之意也故因春蒐夏苗秋

欠己の見んいす

禮記集就

暴天物也作禽荒也故因祭社享礼祀枯享然而行 預防於萃則曰除戎器戒不虞先王慮患之深如此 重門擊析以待暴客蓋取諸豫於既齊則曰思惠而 馬明非好兵也為田獵也非好田獵也為祭祀也外 講武之制所由立也坎之永曰王公設險以守其國 此顧不足為後法乎 金華唐氏曰昔者聖人為孫矢以威天下蓋取諸睽 以彰事神之禮内以作不虞之備聖人之動其順如

金分四屋石書

卷六十五

次已四華全事 險也習之四時則無以不教棄民之患兵毒民也寓 先王之寓兵於農而習武以田其兼得諸此乎兵至 民忘其勞稅以犯難民忘其死於象則曰朋友講習 民從之吉其泉則曰容民畜衆允之彖曰說以先民 於象則曰常德行習教事師之录曰以此毒天下而 **獵有就之義馬比鄰鄉井出入相友得講習之義馬** 講武於始以同其應患之憂田獵於終以同其從禽 之廬井則無久蓄不用之憂兵勞而犯難也習之田 禮記係就

金次で人人可し 成也國人畢作而老者優壯者獲禽而長者厚故曰 之樂公私之義其初律以禮法其久出於誠心故曰 子之所悉率左右以燕天子一發五豝虞之仁也五 者取之服者舎之而威德無著故曰舎逆取順失前 五十不為甸徒頌禽隆諸長者而弟達乎蒐狩矣叛 犯一發騶之仁也故曰蒐田以時仁如騶虞則王道 禮其初即以官師其久出於自盡故曰漆沮之從天 一之日其同載續武功言私其稅獻研于公致禽之 卷六十五

格後有饁獸社礿枋烝各順其時而成民致力之義 敖而險易之利盡矣鳥獸孳尾則蒐於春五殼既植 **庶人禮有等差自牧伯至於諸侯時有疏數而上下 贴文章明貴賤辨等列順少長習威儀也自王至於** 則苗於夏獨於既派符於畢時合圍掩羣在所不忍 禽也振旅先長者治兵先壯者而仁義之 两得故曰! 而對時育物之道得矣大有宜造小有伯禱前有表 之分明矣田車既好則狩于南草選徒囂囂則苗于

吹定四車全書—

禮記集就

天子適四方先柴 聞之所能實周公設官分職聯事合治法制備具之 所致也後世棄先王之典快心於從禽如詩人盧令 彰美先王之講武田獵其道悉備如此豈獨仁心仁 東巡守至于岱宗柴 鄭氏曰所到光先燔柴有事於上帝也書曰歲二月 之刺安意於僭禮如春秋蒐閱之書則周公之典壞至 孔氏曰此一 節明天子巡守祭天之禮巡守至方岳 卷六十五

柴望周官所謂封于大神禮器所謂因名山升中于 然觀書之所謂至于位宗柴序詩者所謂巡守告祭 延平周氏曰天子巡守至于四嶽先柴以告天也管 先燔柴以告天尊天也 子曰封禪之黄非古也其秦漢之侈心乎 非無封禪也特不為後世泥金檢玉之費耳故文中 仲嘗以為自古七十二君皆有封禪其說雖不可信 天之類豈非封歟書所謂納于大麓豈非禪歟蓋古

大三日日 人

禮記集就

金万以居了重 就陽位也埽地而祭於其質也器用陶匏以象天地之 郊之祭也迎長日之至也大報天而主日也兆於南郊 異矣 也於郊故謂之郊牡用縣尚亦也用犢貴誠也 金華應氏曰四方惟天子所適者普天之下莫非王 爾游行也噫其與周行天下將必有車轍馬跡馬者 土也所適心先柴昊天曰明及爾出王昊天曰旦及 鄭氏曰易說曰三王之郊一用夏正夏正建實之月 卷六十五

とこりしていまう 為主人也熘柴在壇正祭於地故云埽地而祭陶謂 日為尊故以日為諸神之主猶如君熊羣臣使膳室 天大猶偏也天之神日為尊日太陽之精故就陽位 也此言迎長日者建夘而畫夜分分而日長也大報 正此易緯乾鑿度文偏報天之一切神天之諸神唯 孔氏曰自此至始也一節總明郊祭之義郊祭用夏 也尚赤者周也 也埽地而祭器用陶匏觀天下之物無可以稱其德 禮記集就

金月四月 全書 **瓦器尊及豆簋之屬已具解於上** 帝於四郊是祭昊天則就園丘而無兆祭五帝則其 與孟秋之報者歟蓋仲春仲秋日出卯而入酉則所 延平周氏曰詩序曰噫嘻春夏祈穀于上帝也豐年 秋冬報也此言郊之祭迎長日之至豈非孟冬之祈 兆各順四時而布於四郊如兆火帝於南郊蓋迎夏 以為長日故祭於春秋之孟月者乃迎其長日之至 也大報天當以昊天為主此言主日誤矣周官兆五 卷六十五

方皆有性幣各放其器之色收人謂凡陽祀用騂性 至甚矣其誣也冬至之日祭天於園丘此周之正禮 石林葉氏曰以郊為迎長日之至下言郊之用辛周 后稷所以言騂犧令以郊為用亦誤矣 亦陽之色故用之此書於文王所以言騂牛一 之氣不得不於南郊以為就陽亦誤矣周官天地五 之始郊日以至正以别魯鄭氏反之强以建夘為日 陰祀用颗牲是郊用牲不必騂唯宗廟為陽祀而騂 詩於

次足四華 全島

禮記集就

金ラリル 魯郊殆周祈穀之郊而已故左氏以為啓蟄而郊鄭 得郊不得同於天子是以因用郊之日以上卒三卜 不可易者也孟春建寅之月郊蓋析殺之祭兩魯雖 夏六月乃建未之月也鄭又誤為建已之月雜記曰 不從至建寅之月而止乃不郊書於春秋者甚明則 正月日至可以有事於上帝七月日至可以有事於 註明堂位孟春祀帝正建寅之月鄭誤以為建子季 祖七月而禘獻子為之也蓋為魯不得郊日至故仲 卷六十五

横渠張氏曰自秦漢而下多因惟異然後立郊如郡 時有不可亂故周官每以正歲別之鄭氏本不曉郊 時之類大抵不明於禮非正也孝經謂郊祀后稷以 配天即昊天上帝宗祀文王於明堂以配上帝帝 言所以紛紛所引易說亦無據 禘之辨故以冬至之祭為大禘以祈穀為正郊此其 孫茂欲取建未夏至而禘以配周郊祖所以記其失 何與六月之禘乎凡周之政事大抵皆用夏正蓋天

欠足の事人は言…

禮記係抗

ナと

金次四月石里 意郊之祭迎長日之至此之謂也家語言周之始郊 五帝周之始郊日以至日至陽氣之始也四時迎氣 祭所責簡易後世過侈皆失本意天道本簡易天子 日以至言日至則更不容卜言月至則有卜之理卜 之小者日至而郊迎氣之大者於此可以見郊之大 之禮亦當簡易繁文虚費帝亦不饗姓必牛蓋姓之 日則失氣至之時矣以此知不必卜日園丘掃地而 大無如牛也牲必養二帝牛不吉以為稷牛稷牛唯 卷六十五

祭或謂郊祀以配天謂主稷后稷於配天之地后稷 與天同祭配天是如天地此說雖與經有合處然自 具然則二牛同時以用以此觀之后稷與天同時而 大裘器用陶匏窠结之類北郊夏至之日報功之時 郊同異久不決大抵南郊園丘冬至報本之時故服 古未有此說其意亦深大儘曾深思一朝廷議南北 特以盛暑不可服羔裘又不知何所據必要服大裘)如此極易方報本則尚質及報功則備物而難者

九三日屋 上野

禮記集就

金月也是人 敬事也物無以稱其德故掃地不壇服以大菜配以 遂指以為天地當合祭豈不知祭天時地亦從祀而 澤豈必服大裘耶又以昊天有成命云郊祀天地也 冬裘夏葛古今同然况是季夏祭於明堂衮服則方 陶匏禮以蒼壁牲以犢燎以柴禮簡誠至止當如是 道氣之大者無如日月後世則百神皆從祀祀天至 北郊祭地自如也大報天而主日配以月所以盡天 而已人道之褻非所以事天地然必以其祖而配者 卷六十五

たいとのはしたはかっ 嚴陵方氏曰日為陽夜為陰故陽生則日浸長而夜 等事天事人盡於愛敬此王者所以郊祀之意也 也以獨對祖則獨親而祖等以祖對天則祖親而天 不繼也故當燔柴成禮之後迎祖尸入而以人鬼之 物本乎天人本乎祖事天之禮成則事人之道不可 生於子故曰迎長日之至也至猶來也與月令仲夏 短除生則夜浸長而日短郊之祭在建子之月而陽 禮祭之尸人象也组簋遵豆人器也朝事饋食人禮 禮把集就

得見所可瞻仰者日月星長而已兆則為之分域如 時陽始事矣天以始事為功也周官以冬日至致天 日長至異矣故言迎馬祭天必迎長日之至者當是 盖築壇謂之兆若兆五帝於四郊是矣掃地亦謂之 龜兆之可別也既曰兆於南郊矣又曰掃地而祭者 神蓋謂是矣以迎長日之至故以日為主天神不可 兆若此所言是矣此主祭天而器之所象乃並言地 者蓋地道無成而代有終象地之性亦所以歸功於

火足四事人的 之色大宗伯以玉作六器以禮天地四方以養壁禮 相明馬姓用騂即牧人所謂陽事用騂牲亦者盛門 天也故中庸言郊社之禮所以事上帝則亦與此五 而牧人言凡陽祀以該之也以是知其止用騂也 則祀天之牲不必蒼也亦從其類而已故止言放馬 已乃與收人所言異者蓋亦為陽之風色而養與青 天而終言姓幣各放其器之色則犯天之性用養而 乃其類也黑為陰之盛色而黃與白乃其類也若是 禮記集就 丰

金グロガイゴー 迎之有漸也說者謂建卯晝夜分而日長其說蓋非 馬氏曰郊必於冬至之日所以迎長日之將至言其 矣郊者所以祀天昊天上帝者天之貴神也神不得 而於此不言配以月者文略也就陽位者此釋其郊 而見故大報天而以日為主祭於壇而列於衆星之 上蓋日者陽之精也祭義言大報天而主日配以月 之意也掃地而祭器用陶匏此釋其以少為貴之意

大足可奉 在第一 為官冬日至於地上之國丘奏之則天神皆降可得 言教民此見獨之事也非所以教民據教民美報馬 質也董仲舒曰質樸之謂性天地之性人之性是也 後於其質也變就言於馬而已非有所就陶匏儉以 也故曰内之為尊外之為樂少之為貴多之為美不 而禮矣禮務質略是之謂大報若社不美不足為報 山陰陸氏曰郊祭迎長日之至周官所謂凡樂園鍾 天造而始之地作而終之故天言報在前地言報在 禮記樣就

金叉でたろう 蒼而不以醉地性以黄而不以飘者蓋騂者陽之盛 色陽祀以騂為主而不必皆騂飘者陰之盛色陰祀 長樂陳氏曰大宗伯牲幣各放其器之色則天牲以 麓信南山之縣牲閥宮之縣剛洛誥之縣牛此宗廟 郊特性之解擴関宮之縣犧此祀天之用縣者也旱 之郊而已於國則已褻於野則已疏祭之郊節矣 於郊故謂之郊言天無所不在以我祭於郊也故謂 以熟為主而不必皆熟則收人所言亦其大率而已 卷六十五 次至四軍 全十三 郊之用卒也周之始郊日以至 郊一 方有用解黑者矣孔子曰犂牛之子解且角山川其 舎諸則山川亦有用解者矣禮書 鄭氏曰言日以周郊天之月而至陽氣新用事順之 此社稷之用熟者也詩曰來方禋祀以其騂黑則四 而用卒此就非也郊天之月而日至魯禮也三王之 之用騂者也爾雅曰黄牛黑唇曰字詩曰殺時淳牡 一用夏正魯以無冬至祭天於園丘之事是以建 禮紀集就 Ī

戒自新耳周衰禮廢儒者見周禮盡在魯因推魯禮 子之月郊天示先有事也用辛日者凡為人君當齊 至郊天魯禮也魯唯一郊不與天子郊天同月轉 用辛始郊日以至據魯禮明堂位云魯君孟春祀帝 孔氏曰鄭言上文迎長日之至自據周郊此云郊之 以言周事 于郊又雜記云正月日至可以有事於上帝故知冬 三正故穀梁傳有三卜郊不從則止易緯云三王之 基六十五

言周之始郊者謂魯之始郊始者對建寅之月天子 春是也若冬至祭天陰氣始盛祭陰迎陽豈為理乎 而陽氣盛故祭其始升而迎其盛月令天子正月迎 至陽氣新用事故用辛也周之始郊日以至者對建 建子之月而迎此冬至長日之至也而用平者以冬 為周郊上文云郊之祭迎長日之至謂周之郊祭於 郊祭魯於冬至之月先有事故云始也案王氏曰此 一用夏正夏正月陽氣始升日者陽氣之主日長

禮記集就

鱼员巴尼人可是 或云用冬至之日或云用冬至之月據周禮似用冬 寅之月又祈穀郊祭此言始者對建寅為始也祭天 横渠張氏曰自冬至之日以樂降神為郊之始而未 至之月 嚴陵方氏曰噫嘻言春夏祈穀於上帝則知周之郊 之用辛也周之始郊日以至 祀既降神乃用辛日而祀故曰迎長日之至又曰郊 至之日據禮記郊日用辛則冬至不恒在辛似用冬

成以圛丘祭天而郊祭感生帝則又非也凡郊皆所 由是言之則始郊乃周之禮康成以為魯禮非也康 園丘園丘則郊蓋郊者園丘之地而園丘者郊之壇 日祭天於地上之國丘國丘與郊一也王肅曰郊則 馬氏曰此對祈穀之郊則為始故言始郊周禮冬至 矣始郊言以至則祈殺之郊不必以至於周之郊言 日至則用辛之郊不必皆用也 一周以建子之月為正則冬至之郊為歲之始郊

たとり見へいあう

禮記集就

古

成所疑有三以周禮王祀昊天上帝則服大裘而冕 周而已泛而記之也則安知不雜於夏段之禮乎 於此則王被來此其疑一也周禮以玉路祀天而於 性用解而尚赤其疑三也夫記者之言非光止於記 此則乗素車其疑二也周禮以蒼璧禮天而於此則 始郊日以至 山陰陸氏曰郊之用絕句言郊之用者卒也今周之

金与口屋子言

以祀昊天上帝周禮以裡祀祀昊天上帝是也蓋康

卷六十五

戒百官也大廟之命戒百姓也 日王立于澤親聽誓命受教陳之義也獻命庫門之內 **卜郊受命于祖廟作龜于禰宮尊祖親考之義也卜之** からりちてきます 宫也既卜必到澤宫擇可與祭祀者因誓勅之以禮 至廟門外美大廟祖廟也百官公卿以下也百姓王 也禮器曰舉賢而置之聚衆而誓之是也王自澤宫 而還以誓命重相申勅庫門在姓門之外入庫門則 鄭氏曰受命謂告之退而卜澤澤宫也所以擇賢之 禮記集說 Ī

金月口月子言 受命也作灼也禰官禰廟也先告祖受命又至禰廟 為既 為澤宫至澤宫射以擇助祭之人是舉賢而置之也 故作龜作龜是事事宜就親近者也以射擇士因呼 孔氏曰郊事既尊不敢專輙故先告祖後乃卜亦如 之親也入廟戒親親也王自此還齊路寢之室庫或 卜之也考亦禰也尊祖故受命命宜由尊者出親禰 又使有司誓勅舊章齊戒之禮王又親聽受命是聚

ところはんまる 横渠張氏曰受命祖廟作龜禰宫次序之宜 義王自澤宮而還至欲致齊之時有司獻王所以命 **聚而誓之也告祖作禰是受教義立澤聽誓是受諫** 路而已 獻命於庫門之内必是魯禮他國無庫門天子舉應 廟而重戒之 姓百官疏故在公朝重戒之百姓王之親屬故在太 百官之事王乃於庫門之内戒百官大廟之内戒百 禮記集就 千六

者崔氏謂卜日以至為主不吉乃用他日理或敍也 卒下卒故周郊以日至而大宰於祀大神示言卜日 嚴陵方氏曰卜郊蓋指用辛之郊爾以其有上辛中 秦溪楊氏曰此章初言周之始郊王立于澤王皮弁 受命則受之而已作龜則質其可否馬於祖則受命 以為魯禮魯可稱王子魯之郊稀非禮也聖人當數 以聴祭報王被衮以象天言王者不一而足而鄭註 之矣况可以稱王乎

金河四周石量

卷六十五

とこうき ニテラ 故於大廟戒之百官疏而甲故於庫門戒之 事之也尊親之義又在於是矣作龜即灼龜也灼之 亦親聽之故有受教諫之義百官授之以官者羣臣 以嚴上故也聚衆而誓非為王也特即祭者爾而王 將以作事故以作言之以一人之尊亦親聽誓命則 之謂也百姓賜之以姓者諸侯之謂也諸侯親而尊 祖曰廟以其遠而神事之也於禰曰宮以其近而人 以其能始事故也於禰則作龜以其能成事故也於 禮記集就 Ŧ

金月四月全書 者先王一舉事未嘗不禀受於思神也受命必於祖 作龜光於禰者先王之於祖則致其義義則尊之而 延平周氏曰郊之禮歲有常而卜之必受命於祖廟 官司寇之職謂禋祀五帝則戒之日泣誓百官戒于 君之於臣其上則有所受教而其下則受諫而已周 故冢宰於此誓命其助祭者而王亦親聽之蓋示其 於禍則盡其仁仁則親之故也澤宫擇助祭者之所 百族所謂誓百官即外朝之戒也所謂戒百族即大 卷六十五

傳曰周公稱大廟魯公稱世室羣公稱宮澤不言宮 當質之以思神故戒之必於大廟也 戒於外朝可也若萬民則愚矣雖臨之以刑官而又! 者古之百官皆賢能之士但臨之以司冤之刑官而 廟之命也然百官公戒於外朝而萬民公戒於大廟 謂之澤矣老子曰莫之令而自均王立于澤而聴誓 避禰宫也有所擇而澤之澤之若雨露聚與之不得 山陰陸氏曰卜郊卜卒也禍不言廟避上祖廟春秋

火之马事在时

禮紀集就

[译二

金げんじんとき 祭之日王戊弁以聽祭報示民嚴上也喪者不哭不敢 凶服氾埽反道鄉為田燭弗命而民聽上 獻命尊之也其尊之也將以責之也變言大廟之命 則澤蓋學官辟雍是矣親聽誓命王不言戒言誓而 命著言行無擇而後可以擇人毛詩傳曰雍澤也然 親之也其親之也亦将以责之也 鄭氏曰報猶白也夙與朝服以待白祭事者乃後服 已亦言之法若於其師受教若於其保受諫百官言 卷六十五

祭服而行事也周禮祭之日小宗伯逆采省錢告時 燭皆謂郊道之民為之之弗命而民聽上化王嚴上也 于王告備于王也反道刻令新土在上田燭田首為 之民廣埽新道於田首設燭照路凡此並非王命民 孔氏曰郊日之朝天子早起服視朝皮弁之服以聽 之小宗伯告日時早晚及牲事備具教人尊嚴其君 又不敢凶服而出以干王之吉祭氾埽廣埽也六鄉 上也未郊故未服大裘也郊祭之旦人之喪者不哭

かんかりまれたから

禮記集就

克

田燭所以尚其質如此則弗命而民聽上蓋民之奉 朝之服而聴宗伯之報所以示民嚴上也喪者不哭 延平周氏曰祭報祭之日宗伯報王以行禮也以視 里除不蠲禁刑者任人及凶服者以及郊野而此云 不命者作記之人盛美民聴上之義未必實然也 化王嚴上故也然周禮蜡氏云凡國之大祭祀今州 君猶君之奉天果君能奉天則民自化矣 不敢凶服所以異其吉汜埽反道所以去其舊鄉為

金贝巴尼石書

卷六

大王り日へい 亦示其民之所以知嚴也以天子之尊而其嚴如此 馬氏曰報其時之早晚與牲之備否事之小者而皮 **尊尊祀地親親氾埽反道滌除澡雪所以事天也郷** 道鄉為田燭弗命而民聴上也 為田燭鄉可使知人者主郊以燭目社以粢盛養地 則民莫不從而做之故喪者不哭不敢凶服氾埽反 山陰陸氏曰喪者不哭不敢凶服以尊勝親也祀天 弁以聴之所以尊天而不敢慢也不惟不敢慢於天 禮記集就 三 十

金月口月 石里 祭之日王被家以象天戴晃琛十有二旗則天數也乘 天垂泉聖人則之郊所以明天道也 素車貴其質也旂十有二旒龍章而設日月以象天也 事也據丘乘共菜盛亦言丘乘小社也弗命而民聽 鄭氏曰衮泉天謂有日月星辰之章此魯禮也周禮 王祀昊天上帝則服大裘而見祀五帝亦如之魯侯 上即社有命之者矣 之服自衮見而下也天之大数不過十二段日月畫 卷六十五

とこうることう 長樂陳氏曰周官司義掌為大義以共王祀天之服 魯禮而為周郊遂以魯侯稱王也 聖人則之郊所以明天道者總結王被衮以下天垂 則之以示人也 於旅上素車殷路也魯公之郊用殷禮也明天道謂 日月之象聖人事事則之魯用王禮作記之人既以 龍為陽氣變化日月以光照下皆是象天也天垂象 孔氏曰乘殷樸素之車貴其象天之質於畫龍為童 選記集號 <u>=</u>

多页四月全書 司服祀昊天上帝則服大裘而見禮記曰郊之祭王 服大表外被龍衮龍察所以襲大表也記曰表之楊 被农以象天然則合局官禮記而言之王之祀天内 為正而表又服之本也故取大表以名之猶之朝服 大裘而晃則不加衮是不知先王祀天以冬至之日 及衮司服言大裘而晃祀昊天上帝在衮冕之上謂 也見美也服之襲也充美也禮不砥服不充故大裘 不視則襲衮可知也議者以司裘言大裘祀天而不 卷六十五

裘蒙耸孤裘黄黄則裘之上未曾無衣也裘之上未 燕服玄端蜡服黄衣皆狐裘而詩獨稱狐裘以朝狐 曾無衣而衣之下有不用裘故優人曰凡四時之祭 緇衣羔裘而詩獨稱羔裘如濡羔裘豹袪羔裘逍遥 **木有表之而不褐襲者則徒服大裘而無襲非禮意** 祀以冝服之則凡春夏秋之祀不必服裘所以適時 之冝而已古者犬羊之裘不裼光襲之也表裘不入 公門必楊之也是裘有楊之而不襲有襲之而不裼

文已马重人臣 一

禮記集就

ŧ

**** 縣疏熙揮杓素杓素車之類此因其自然以示内心 **君黼裘以誓省大裘非古也則戒誓省眡用黼裘而** 後世服大裘馬故記者譏之夫先王祀天有文以示 外心之勤有質以示内心之敬故因丘掃地陶匏稾 也鄭志謂大裘之上又有玄衣此尤無據也禮記唯 四主有邱八變之音黃鍾大品之釣此致其文飾以 之敬者也執鎮主線籍五米五就旂龍章而設日月 示外心之勤者也然則内服大裘以因其自然外被

然廢文飾然後事天之禮盡矣禮書 象天經言天子龍家是也樂者聚米以貫玉而有華 嚴陵方氏曰天以龍為用而衮以龍為首故被衮以| 龍衮戴晃琛以致其文飾不以内心廢外心不以自 藻故謂之璪字通於藻見玉藻解左氏傳曰周之王 則故於数言則以畫龍而文成馬故曰章以日月而 我祭之之謂象故於龍言象彼有則而我則之之謂 也制禮上物不過十二以為天之大數也彼有象而

次足四重在写

復記集就

圭

金げんりん 周禮不同者容泛記前代之禮爾龍也日月也数也 設飾馬故曰設然巾車之職則王玉路以祀而乘素 故郊之儀物光觀象而作馬則所以明之也故曰郊 故曰天垂象聖人則之以天道遠而難知神而莫測 質也皆天所示之象也而聖人觀之以為儀物之則 龍章設龍章者無日月而此言龍章而設日月乃與 車司常之職則日月為常交龍為旂是設日月者無 所以明天道也

素車所以貴質乘素車言貴其質則於十有二硫龍 馬氏曰衮被於身冕戴於首天德精微無可稱者故 象之而已素車大路之素未集也蓋玉路之璞周官 明天道也 故天垂象聖人則之天之道幽而不可知故郊所以 章而設日月泉天者言其文也天道至教聖人至徳 巾車王乘玉路以祀非祀天也王被衮服大裘質在 山陰陸氏曰則天數不言以直則之也岩以泉天以

大日日日とよう

被記集就

吉

内也乘素車建大常質在下也言地載萬物天垂象 在下皆天之象數也以故為郊是所以明天之道易 之前郊本隱以之顯故言所以明在所以然之後聖 則昭布在上皆地之精神也以故為社是所以神地 所謂闡幽是矣社推見至隱故言所以神在所以然 之道易所謂微顯是矣言天垂象聖人則之則衣服 人所以神明天地之道在禮郊社是也在易乾坤是 又新就曰古者郊祀之禮内服大裘其上加衮

次已日年上五 路建大常特牲祭天王乘素車建大旂則祭天之禮 以被之故凡裘言服而衮言被然周禮祭天王乘玉 路錫樊纓十有再就建大常十有二斿以祀則凡王 之日馭之以適郊乘素車建大旅者即事之車也祭 有两旂两車也蓋乘玉路建大常者即道之車也祭 王路以祭之以物則非文以志則非敬非禮意故知 之祭祀無所不乘矣祭天者禮之至也而乘泛祭之 之日取之以赴壇何以知其如此也日巾車王之玉 禮記集放 = 45

金发电压石量 乘素車建大旂以祀之而玉路者乗之以適郊固有 掌公車之政令辨其用與其旗物而等序之以治其 者即事之車也與王来素車建大旂同意故中車曰 道之車也與王乘玉路建大常同意乘戎路建大常 麾以田則田之車旂亦以兩蓋乗大路建大麾者即 乗戎路建大常而中車之職曰木路前樊鵠纓建大 两車也雖然車於之有兩非特祭天也四時之田王 出入治其出入者以明两車有事馬來之以出入非 . . 卷六十五

子之禮樂而魯君孟春乗大路載弧韣旂十有二旒 所謂乘玉路建大常以即郊明美郊特牲曰祭之日 馭蓋犯載者王出國門之祭也王出國門乗玉路則 即事之車也大馭曰掌馭玉路以祀及犯較王自左 王被衮以象天乘素車貴其質也龍章而設日月孫 乗素車建大旂以即壇明実凡此者皆周制也故成 十有二旒以象天也桑素車在於被衮之後則所謂 王以周公為有大勲勞於天下命魯公祀周公以天

大足马車 在時

禮記集就

美

人多男工人 石量 車捧帛升柴置于牲上以焚之致天神祭法所謂燔 冕以聴祭報而小宗伯告備于王則王脫寂著大裘 **晃来玉路建大常以適郊既至下玉路息大次又衮** 弁以聴祭報而小宗伯告時于王則王易皮弁服衮 其序可推而知矣嘗試言之蓋祭之日夜向晨王皮 日月之章祀帝于郊配以后稷是也然則郊之祭也 **柴於泰壇此先後之序也或曰司常掌九旗之物名** 以衮被之易玉路桑素車建大旗以即壇既至下素

火見の長という 章觀禮曰王建大旂以我日月星辰升龍降龍拜日 侯之所常建故其上又有日月星辰之章以祀天神 而郊特姓云龍章而設日月何也曰此大旂也非諸 日月為常交龍為旂旂有升降之龍而已蓋無三長 於東門之外左傳云三長旂旗昭其明也然則龍旂 非特有升降之龍也明堂位曰旂十有二旒日月之 而說日月其來固久美 三山林氏曰黄帝始備衣裳之制舜觀古人之泉繪 禮記集就 =

盛名分日以嚴儀章日以著夫子於四代禮樂特日 則天之明尤為君德之光自黄帝以來歷代之制莫 法乾坤以昭泉物所以彰天子之盛徳能備此十二 物也使服其服者當須有是磁德馬繪以三長所以 日月星辰山龍華蟲於衣繡宗奚藻火黼黻於裳以 惟九章嗚呼何說之異也自堯舜至三代文物日以 文司服惟有衮晃至玄晃說者謂周登三辰於旗服 不然也周人特備以存樣之數耳固禮無十二章之

金 人口匠 名言

旗有三辰何當謂衣無三辰邪豈有王者象三辰之 去三辰之飾蓋不過據左氏三辰旂旗之文左氏謂 服周之冕取其文之備尊甲之有辨也何得至周反 萬世乃至於無別與郊特性云祭之日王被衮以象 夫被衮以象天周制固然也何魯之足云豈有周制 天則十二章備鄭氏謂有日月星辰之章此魯禮也 明歷代皆飾於衣周人特飾於旗有何意乎况又謂 上公九章而王服亦九章將何所別周公制禮防亂

大巴马及人子!

禮把集稅

支

鱼灰 区屋 有量 於服而晃也享先公饗射則驚見驚冕者繪華蟲於 子之服十二章可知享先王則衮冕衮冕者繪衮龍 服自為見而下驚見七章変見九章推而上之則天 **周亦十二章昭然甚明公之服自衮冕而下侯伯之** 秦溪楊氏曰詳玩司服經文則知有虞作服十二章 止九章魯乃加以十二之理乎 服而晃也蓋服有六而晃則一先鄭謂六服同晃是 也祀昊天上帝之服十二章則繪三長於服而冕可

火江可見という 先王先公之禮備予文則以哀驚之文名之祀昊天 辰畫於旌旗冤服惟有九章然公自家冕而下王又 之服雖不言三長然服備十二章則三長不待言而 用栗靺器用陶匏之意同所以尊天也祀昊天上帝 知也今不曰三辰而冕而曰大裘而冤果何歎蓋享 自衮冕而下君臣同冕略無區别必無是理賈公彦 可見矣鄭氏乃謂有虞十有二章至周而以日月星 上帝之服尚乎質則以大裘之質名之與牲用犢席 催把集就

金月口月全書 織文矣唐長孫無忌以帝祭日月服玄冤旅三章而 卿衮衣輔黻之制疑於至尊逐制天子服繍衣公卿 始有悟其上下之無等尊甲之失次者魏文帝以公 於服衮他冤盡廢者矣先王制禮公本於天理人情 其非而不信之矣惟其並以意解故後世遵用其說 云鄭氏九章此無正文並鄭以意解之則疏家已知 之公自上古至於周天子仰則天數路十二就常十 三公亞獻服衮孤婦服養驚貴賤無分而天子遂止 卷六十五

次之四重 全等 歎哉 前乎康成如漢明帝用歐陽說義天子備十二章三 用周禮也自鄭氏以意解九章之說於是乎始故行 公諸侯用山龍九章九卿以下用華蟲七章其就猶 不知龍登于旂山登于姐關登于泉九章亦可損乎 不皆然鄭氏謂周以日月星辰畫於旗而冤止九章 之後世卒有不厭於人心并與古制而去之者可勝 二好馬十二開圭尺二寸繅十二就而冤服之章莫 禮紀集就 四十

裘可也如仲夏之祈裁與季冬之迎氣而亦用羔来 用衮衣何也夫孟冬之北郊與仲冬之園丘則用大 帝亦如之享先王則服裘冕是祀天止用羔裘而不 周官司服之職謂祀昊天上帝則服大裘而冤祀五 則非先王養人欲之意孔子曰緇衣羔裘素衣麂裘 放之郊禮也先儒以為魯公之郊用段禮則非也然 以則天數旂十有二旒言周之郊禮也來素車者言 延平周氏曰王被龍衮以象天德戴冕璪十有二旅

周官司服於祀昊天止言表則知必有衣於先王而 加以衣至於夏之祭則衣而已 下止言衣則知义有粢豈非冬之祭則服火以裘而 盖有裘則必有衣有衣則不必有裘者禮之常也故

火門日本人

禮記集就

金岁世屋人門 禮記集就卷六十五 卷六十五

欽定四庫全書 Partous Lites 帝牛不吉以為稷牛帝牛必在滌三月稷牛唯具所以 别事天神與人鬼也 禮記集就卷六十六 **若帝牛不吉或死傷則用稷牛為帝牛其祭稷之** 所搜除處也唯具遭時又選可用也 鄭氏曰帝牛不吉以為稷牛養牲次養二也滌牢 孔氏曰郊天既以后稷為配故養牲養二以擬祭也 植記集就 衛提 撰

多分四月子言 臨時別取用之為猶用也既又覆統帝牛既尊必須 者凡帝性稷牲初時皆卜取其牲繁于牢躬之三月 桐帝性遭災之時既用稷性其祀稷牲臨時選其可 在滁人鬼稍甲唯具而已是分别天神與人鬼不同 祀稷之牛臨時别取故云稷牛唯具天神既尊故須 在滌三月今帝牛不吉故取稷牛亦已在滌三月其 岩臨時有故乃變之也 也鄭註搜除謂搜埽清除周禮養馬謂之廋人遭時 卷六十六

という見から 長樂劉氏曰帝牛不吉以為稷牛在滌三月然後卜 嚴陵方氏曰謂之滌則以精潔為義唯具則取足而 乎天人本乎祖此思文之詩所以頌稷而配天也 **曷之三月矣此止曰唯具者盖曷之三月以祀天神** 為稱人鬼則如之而已故有時而唯具亦可也帝 則繁于牢勞之三月享先王亦如之則人鬼之牲亦 已不必三月之滌也充人掌繁祭祀之牲拴祀五帝 也稷所以配天也故其性唯具以帝為尊馬萬物本 彼把集就

牲目社以獸且言在滌致敬也郊致敬社致養亦言 為稷牛此亦所以别事天神與人鬼也據稷牛不卜 山陰陸氏曰言養牲ಌ養二卜以為帝牛不吉則以 天神稷為人鬼 之法據唯為社田國人畢作 公羊傳曰養性養二卜帝性不吉則拔稷牛而卜 延平周氏曰王自立社曰王社則祭社而不祭稷故 何休謂二卜語在下此讀養性養二之誤也主郊以

金月四月月月

萬物本乎天人本乎祖此所以配上帝也郊之祭也 報本反始也 こうから しょう 者是也凡言社未必言稷言稷莫不無社而有言社 周官封人謂掌設王之社境者是也王為厚姓立社 言稷何也言社以土為主言稷以殼為主 日大社則祭社而祭稷故此言帝牛不吉以為稷牛 孔氏曰此一經論祖配天之義人本於祖物本於天 鄭氏曰言俱本可以配 禮記集就

多好四月 全書 横渠張氏曰祭先之道其不可得而推者則無可奈 始者及其初始謝其思謂之報歸其初謂之反 為物本祖為王本祭天以祖配之所以報謝其本反 以配本故也大報本反始者釋所以郊祭天之義天 祭天則以始祖配之雖庶人光祭及髙祖比之天子 后稷是已之始祖已上不可知天則是萬物之祖故 根本所繁雖遠爲得無報郊祀后稷以配天周止知 何其可知者無遠近多少當盡祭之祖豈可不報蓋

諸侯止有疏數耳如祭法廟數有不及祖者是不祭 藍田吕氏曰祀天禮之至敬者也物無以稱其徳故 服故也如五世祖者在死則豈可不為服乎禮雖無 祖也以理論之人無貴賤上下皆須祭及高祖以有 其祖配之所謂配者當於祀天禮成之後迎祖尸而 禮簡誠至則事天之禮盛矣然人道有所未盡故從 小施於尊者豈可言袒免 此服當以義起昨朝廷太宗袒免親袒免親止於甲

ところしま とれ

禮紀集就

金分四月八十 是則祖與天合矣故推祖以配天故曰此所以配上 帝人物所本如此安可不知報本而反始哉故言郊 嚴陵方氏曰萬物皆天之所生而人則祖之所生 已以人鬼之禮祭之火配祭者所以盡人道之至爱 凡言配天及郊祀之有尸者義當如此非先生統 山陰陸氏曰家主中雷國主社示本也此諸侯大夫 之祭大報本反始也 之事萬物本乎天人本乎祖此所以配上帝也此天 卷六十六 如 桢

といび見 たます 明堂以配上帝是祖之所配於園丘者昊天而考之 反始也 禍本也祖亦本也太祖亦本也其始祖之所自出亦 則知尊祖矣諸侯及太祖天子及其始祖之所自出 子之事喪服傳曰都邑之士則知尊禰矣學士大夫 所配於明堂者上帝此言萬物本乎天人本乎祖而 延平周氏曰孝經曰郊祀后稷以配天宗祀文王於 本也郊之祭不言所以尚非所以也據社所以報本 植把集就

鱼员四月全書 聚萬物而索饗之也 天子大蜡八伊耆氏始為蜡蜡也者索也歲十二月合 反言配上帝何也天言其體帝言其用故對而言則 典此同意 先王以作樂崇徳殷薦之上帝以配祖考其言上帝 天與帝異離而言則帝即天也天即帝也易之象曰 鄭氏曰所祭有八神伊耆氏古天子號也索謂求索 也歲十二月周之正朔謂建亥之月也饗者祭其神 基六十六

配之也 合聚萬物而索饗之但以此八神為主大者是天子 司樂六變而致象物及天神鄭云象謂日月此不數 三郵表啜四貓虎五坊六水庸七昆蟲八所祭之神 孔氏曰此一節論蜡祭之事八蜡先嗇一司嗇二農 也萬物有功加於民者神使之也祭之以報馬造者 之蜡對諸侯為大天子既有八神則諸侯之蜡未必 也謂若先嗇古之天子諸侯未必得祭也周禮大

大巴马及 公子

禮記集統

金分世月月十十 者先嗇司嗇並是人神有益於人水庸之屬有益旅 獨故祭之天神象物去人縣遠雖祭不為八神之数 横渠張氏曰八蜡以記四方八者先嗇一也是始治 為蜡祭也鄭註造者謂造此蜡祭配此八神而祭 身乎蓋神農伊耆一代之總號其子孫為天子者始 初為田事故為蜡祭下云主先嗇則豈神農自祭其 諸飲食黃桴土鼓俱稱土鼓則伊耆氏神農也以其 明堂云土鼓葦籥伊耆氏之樂禮運云夫禮之初始

次定四軍全書 一 三也郵表畷四也貓虎丘也坊六也水庸七也百種 稼穑者據易則是神農也司嗇是修此職者二也農 長樂陳氏曰蜡之為祭所以報本反始息老送終也 致此百種而祭之或只祭稷而已 所成舊哉以昆蟲為八蟲是為害者不當祭百種或 辜其樂六樂而奏六變吹盛頌擊土鼓舞兵舞恢舞 其服王玄冕而有司皮弁素服葛带榛杖其牲體疈 八也百種百穀之種也祭之以民食之重亦報其嗇 禮紀集就

蜡矣先儒以郊特牲言皮弁素服而祭又言黄衣黄 屬民飲酒于序是也既蜡則臘先祖五祀於廟仲尼 先嗇以其始有事於田故也古者蜡則飲于學黨正 聚萬物而饗之者非特八神也而所重者八以其尤 其所致者川澤山林以至土示天神莫不與馬則合 與於蜡實事畢出遊於觀之上是也然則臘亦謂之 有功於田故也其神之尊者非特先嗇也而所主者 冠而祭則二祭之服不同月令言祈來年于天宗割

もりいん

7:1

欠色の単なら 祠于公社又言臘先祖五祀則祈臘之名不同於是 蜡於十有二月養臘於孟冬皆建亥之月也晉侯以 而祭與臘先祖五祀雕也蜡以息老物雕以息民息 謂皮弁素服而祭與祈來年于天宗蜡也黃衣黃冠 民固在蜡後矣此記所以言既蜡而休民息已也周 常時由漢以來溺於五行之說以王曰祖以衰曰臘 月可知矣古者臘有常月而無常日祖在始行而無 十二月減號逐襲虞宫之奇曰虞不臘矣則臘在蜡 禮記集就

金児四月八百 咸以老者侍杖然後安猶老物侍蜡然後息也伊耆 其失先王之禮遠矣先儒謂蜡六奏樂而禮畢東方 古王者之號然古之制法者隸首造歷大桅作甲子 氏已有功於耆老者矣故後世以其官為姓周又以 則黄鍾為均於禮或然 之祭則用太族姑洗南方從賔西方夷則無射北方 其姓名官先儒謂其始制鼓籥又始為蜡於是以為 含頡造書之類豈皆古王者哉果伊耆氏實古王者 基六十六 又曰伊耆氏掌共王之杖

嗇也司嗇也農也郵表吸也貓也虎也坊也水庸也 蜡曰大蜡八者則知自八者之外皆其小也八蜡先 耆氏始為蜡以息老物故共杖咸者以是名官予此 周官有伊耆氏以共杖咸蓋杖所以扶老豈非以伊 嚴陵方氏曰合而言之則曰大蜡分而言之則曰八 之號周人固應尊異而神之不宜列於街枚氏壺涿 氏而以下士之官名之也 所以言伊耆氏始為蜡也昔之所用者物之形今之

次是四華全等-

禮記集號

索饗不亦冝乎 所索者物之靈故索而乃可饗馬黨正所謂國索鬼 馬氏曰建亥之月五穀已入萬物所以成者神有以 神而祭祀是美凡物之種種固己離美十二月物之 相功於其幽民有以致力於其明神有功以相其幽 合聚之時也先王因其合而合之因其聚而聚之以 日之澤是也 則報之民有力以致其明則勞之所謂百日之蜡 卷六十六、

有以作之必有以息之是之謂伊耆蜡讀如乍一有 息先儒謂伊耆氏神農氏也通其變使民不倦神而 山陰陸氏曰大蜡八先嗇一司嗇二祭百種以報嗇 掌共杖咸取其老物以佚蜡氏掌除骪取其死物以 水庸八老物以佚死物以息蜡之祭也周官伊耆氏 三饗農及郵表啜四禽獸五迎獨六迎虎七祭坊與 化之使民宜之是之謂神農有以勞之必有以佚之 一亡為乍物之死生少老一有一亡何有窮矣是之

次已日東人民

禮記集就

及郵表啜禽獸仁之至義之盡也古之君子使之光報 **蜡之祭也主先嗇而祭司嗇也祭百種以報嗇也饗農** 金灯でたくずで 也祭坊與水庸事也 之迎獨為其食田鼠也迎虎為其食田豕也迎而祭之 謂蜡 延平周氏曰歳十二月即夏之十二月乃建丑之月 也蓋建丑之月謂之蜡始可為息民之祭果周之十 月則豈得謂息民之祭乎

功使盡饗之故云祭百種以報嗇農田啖也郵表吸 **吸郵禽獸服不氏所教擾猛獸也迎而祭之迎其神** 鄭氏曰先嗇若神農者司嗇后稷是也嗇所樹蓺之 者取其成功收敛受啬而祭也祭百種以報嗇為下 謂田畯所以督約百姓於井間之處也詩云為下國 起文百種則農及郵表吸禽獸等所以祭之者報其 孔氏曰以先嗇為主司嗇從祭種曰稼敛曰嗇云嗇 也水庸溝也

大旦可見から

禮紀集就

金岁四月石量 處所表田畔啜者謂并畔相連啜於此田畔相連啜 助嗇之功使盡饗馬田畯有功於民郵若郵亭屋宇 甚者不忘恩而報之是仁有功必報之是義也蜡祭 禽獸則助田除害者皆悉包之特云貓虎舉其除害 之所造此郵舎田畯處馬禽獸即下文黏虎之屬言 以受水亦以泄水祭此坊與水庸之神鄭所引詩者 仁義之至盡也坊者所以蓄水亦以障水水庸者所 齊魯韓詩也恐迎貓虎之身故註云迎其神 へ 十 六

嚴陵方氏曰上言祭下言饗互相備也百種百穀之 者合為八蜡之一馬鼠之與豕皆足以為田之害而 識毀則田官於此有所聯皆督約農事之處也故三 所掌以養人而不失其時者也郵則田官於此有所 種也百種乃嗇之所成故祭百種以報嗇也農則致 馬氏曰先嗇者其智足以般物立於其先司嗇者因 貓與虎能食而除之迎其神而祭之則所以報之也 於貓虎如此則六者可知矣

火ビリレムに

禮紀果就

報之然則餐農餐農而已周官為章凡國祈年于田 其成法而謹司其職而已故祭則以先嗇為主而以 司嗇配之 是所謂仁之至義之盡矣表表而祭之若祭表務是 其害我也故除之矣雖亦勿索可也令皆索而饗之 報嗇也農其分也郵其過者也雖勿索可也禽獸為 祖歙豳雅擊土鼓以樂田畯祭百種祭百穀之種以 山陰陸氏曰先嗇田祖也司嗇田畯也若稷自於秋

多灯口月石潭

卷六十六

大日子を 祭而已矣先儒謂接祭無迎尸之事祭坊與水庸事 物莫不各因其才而使之雖使之甚劳亦必有以為 盡於義然後至於仁故於仁言至義言盡君子之於 之故曰庸事也雖仁非仁之至雖義非義之盡 坊謂以坊架水祭水謂以水樂早為其用之也故祭 也毁毁而祭之若畛於鬼神是也據此表毀禽獸接 延平局氏日索饗及於禽獸可謂仁之至義之盡也 也何以不言及水坊外也庸讀如民功曰庸之庸祭 禮記集就

草服也 服而祭素服以送終也葛帶棒杖喪殺也蜡之祭仁之 至義之盡也黄衣黄冠而祭息田夫也野失黄冠黄冠 曰土反其宅水歸其壑昆蟲毋作草木歸其澤皮弁素 坊與水庸以其有事於我故祭之 講義曰曰至曰盡不以鄙賤而怨馬之意也 鄭氏曰土反其宅至歸)報此使人之術與忠厚之道常見於祭祀之間也 其澤蜡祝辭也若辭同則祭

金グログノニ

巻六十六

九三日里人的事.... 草苔狎木榛梗之屬當各歸生數澤之中不得生於 時物之色季秋而草木黄落 黄冠而祭謂既蜡雕先祖五祀也於是勞農以休息 害者也送終喪殺所謂老物也素服衣裳皆素黃衣 同處可知矣整猶坑也昆蟲暑生寒死螟螽之屬為 孔氏曰土即坊也及歸也宅安也土歸其宅則不崩 水即水庸水歸其壑謂不汎溢昆蟲毋作謂不為灾 之論語云黃衣狐裘黄冠草服言祭以息民服象其 禮記集就 . 1

當有神八蜡不數之者以草木偏地皆是不如坊與 至義之盡也田夫則野夫也野夫者黄冠是季秋之 素服送終是仁恩葛帶榛杖示陰氣斷割故云仁之 素服謂白素衣積素裳經不云皮弁者從上省文也 水庸之屬各指一物也案周禮篇章云國蜡祭則吹 故特有辭也先嗇之屬有知故不假辭草木有辭則 良田害嘉穀也陳解有水土昆蟲草木者以其無知 **幽頌息老物以物老故素服物老將終故葛带棒杖**

金男で元 子言

卷六十六

終之服而以皮弁素服葛帯榛杖臘以息民故服田 長樂陳氏曰皮弁素服而祭者蜡祭四方百物也黄 後草色之服故息田夫而服之也 衣黄冠而祭者雕先祖五祀也蜡以息老物故服送 夫之服而以黄衣黄冠然周禮司服王祭羣小祀則 蜡祭也王於蜡服玄冤而有素服與黄冠者蓋執事 宗伯以疈辜祭四方百物鄭氏曰四方百物際樓及 **玄冕鄭氏曰犀小祀林澤墳衍四方百物之屬也太** <u>+</u>

たこうりんきろ

禮記集抗

色白素服則衣裳皆素素者送終之服而蜡亦送終 者之服歟禮書 嚴陵方氏曰水土昆蟲草木此皆因其合聚之時而 合聚以饗之故祝者之辭言其時事如此皮弁則其 喪光欲若喪者以其有送終之義故也前言皮弁素 則弁亦服爾故下止言素服也带不以麻而以葛杖 之事故云以送終也别言之則服止言衣裳合言之 不以竹而以榛岩喪也而實非喪故曰喪殺也既非

服後言黃衣黃冠而祭就者謂皮升素服為主祭者 者祭之事也夫黄者土之色百昌生於土而作終亦 黄衣黄冠則以息田夫為義送終者祭之道也田夫 則為助祭者之服可知且皮弁素服則以送終為养 之服黃衣黃冠為助祭者之服是矣其言野夫黃冠 土爰稼嗇者田夫之事取土之義以息田夫又宜矣 反於土而息冬則反於土之時也服以是色亦宜矣 以土之義如此故凡野夫皆黄冠馬野夫即田夫也

できる とことう

禮紀集就

大

多页正月五重 言其所事曰田夫言其所居曰野夫草服謂草野之 時息老物之意也 息也往來未嘗恩乃所以為息也 服故下言草笠以為野也上兼言黄衣而下止言黄 冠則以草服該之故也然裔章曰息老物此曰息田 延平周氏曰大蜡祝辭雖紀歲終之事蓋亦有順天 終則有始今歲之息乃所以兆來歲之作息猶氣之 夫者蓋作之於始息之於終雖人之情亦是道也道

欠正の事人 帶於理見割榛杖於理見至為其殺之也故喪之老 所以送萬物之終也萬物之肅殺而王葛帶棒杖者 故祝之解如此草本者莫稗之屬王皮弁素服而祭 馬氏曰蜡者於歲之終報其成功又以祈來年之始 亦示其不忘本也故曰仁之至義之盡 黼丹朱中衣不殺而死所謂終也故素服以送之葛 山陰陸氏曰據此皮弁以祭而已所謂素服蓋去繍 以喪禮處之也蓋萬物生有以養人而終不可不報 祖北集就

大羅氏天子之掌鳥獸者也諸侯貢屬馬草笠而至尊 祭也其以祭服祭之可也令其衣服如此是亦仁之 昧也奪明也 至義之盡也黃衣黃冠天謂之玄玄冠象馬朝服也 子曰戰勝則以喪禮處之葛帶變麻棒杖變桐蜡之 知地事而已黄冠草服也言草以非齊服玄冠齊服 地謂之黃黃冠象馬野服也經云野夫黃冠野夫務 也齊朝廷之事也草野田之事也草艮也齊巽也草

大田屋 人丁屋

野服也羅氏致鹿與女而詔客告也以戒諸侯曰好田 好女者亡其國天子樹瓜華不斂藏之種也 戒之華果旅也又韶以天子樹瓜旅而已戒諸侯以 蓄藏温財利也 都人士臺笠緇撮又曰其鉤伊黍其笠伊糾皆言野 鄭氏曰諸侯於蜡使使者戴草笠貢鳥獸也詩云彼 孔氏曰因上蜡祭廣釋歲終蜡時之事周禮羅氏掌 人之服也部客告者部使者使歸以此告其君所以

大いりを ハルラ

禮記集說

金贝四月全書 是野人之服今歲終功成是由野人而得故重其事 羅馬鳥蜡則作羅襦謂細家之羅周禮不云掌獸此 詔令使者反國以告戒其君故云詔客告也好田好 畢使者臨去羅氏又以鹿與女致與使者宣天子之 王者皆入屬大羅氏也使者著草笠而至王庭草笠 女者亡其國此宣詔所告之言也言鹿是田獵所得 而尊其服的亦告也客謂貢鳥獸使者羅氏先受貢 云獸者以其受貢獸故也四方諸侯有貢獻鳥獸於 卷六十六

時之食不是收斂久藏之種與民争利令使者歸告 女示使者爾瓜今之瓜言天子唯樹瓜與果旅供 長樂劉氏曰四方諸侯當仲冬而遇於天子者必助 人之服 其君也註引小雅都人士周頌良耜二詩證笠是野 之物女是亡國之女非每國輙與女鹿羅氏以鹿與 其祭祀也故其為蜡而猟莫不從馬貢其禽於天子 則大羅氏受之獻禽者諸侯之卿大夫也草笠而至 谁記集就 九

次定四車全書—

尊野服者以明諸侯及其臣皆野服馳騁從禽以助 果藏也瓜及果旅時鮮之物不可以自遠而致之也 君以申天子之戒勸也曰好遊田以肆其禽荒者好 王也其為忠義亦可尊美即之以為禮馬既受草笠 供寝廟非貪財利而種之也亦戒諸侯毋廣樹植務 不可以收斂而藏之也天子乃樹植之所以貴時新 女色以肆其情欲者亡國之道天子之所不赦也華 之獻則致鹿與女於庭而酩獻禽之客俾還告於其 卷六十六

嚴陵方氏曰致鹿非實致鹿也持致所以獲鹿之物 羅襦者以此好田好女者亡其國其戒之之辭也致 收斂以奪其民之利亦絜矩示民之道也 好田好女者固足以亡其國而可為戒也羅氏之戒 鹿则所以戒好田致女則所以戒好女五子述大禹 **阚致女非實致女也特致所以飾女之物 阚所謂作** 好田則是矣而入戒好女者以其皆陰事故也周官 之戒曰內作色荒外作禽荒有一于此未或不亡則

次足可養人民事

禮記集就

Ŧ

果即華之成實旅即瓜之總名彼言果旅此言瓜華 甸師共野果旅先儒謂果桃李之屬旅瓜瓞之屬蓋 為民有終歲之勞而有一日之佚而為之上者豈可 馬氏曰好田好女不斂藏之種者戒其貪也其意以 民争利馬此戒諸侯之辭也 須之求非足以待久長之用而天子樹之以示不與 互相備也斂秋事藏冬事瓜華之種類特可以供斯 以好樂無厭而淫徳不倦乎其意以為民有終歳之

勤而有一日之積而為之上者豈可以好貨無厭而 曰草笠而至尊野服者則以無君子莫治野人無野 事與諸侯相見曰朝考禮正刑一德以尊於天子今 貪利無已乎 山陰陸氏曰以天子掌鳥獸之官是以稱大天子無 女周官所謂蜡則作羅襦是也瓜即華也以告諸侯 曰至尊野服也則野服雖尊非服之正羅氏致鹿與 人莫養君子故也然諸侯來曰朝使其臣來貢紙後

灾定四重全等----

禮把集就

/薦天子所樹者也為大夫贏之故瓜亦或謂之贏凡 贏之實枯婁枯妻善藏言實則與華異然則瓜 言華 故謂之華曲禮削瓜為國君華之甸師共野果蘇之 亦或以此盖瓜果贏之華者 所以獲者而補則女之所衣者也故致之以戒於諸 此皆善墮爛不可藏也故曰不敛藏之種爾雅云果 **使然戒之心至於歲終者戒於終所以圖其始也瓜** 延平周氏日周官羅氏謂蜡則作羅襦蓋羅則鹿之

蜡君子不興功 順成之方其蜡乃通以移民也既蜡而牧民息已故既 蜡以記四方四方年不順成八蜡不通以謹民財也 敛也 華者不斂藏之種也樹其不斂藏之種者所以戒聚 然界祖妣以治百禮此其美之與牧謂收斂積聚也 民謹於用財也移之言羨也詩頌豐年曰為酒為醴 鄭氏曰四方方有祭也其方殺不熟則不通於蜡使

大己日東上手

禮記集就

Ī

金发 巴尼 石潭 當方八蜡之神不得與諸方通祭所以然者欲使不 祭宗廟息民之事四方之内年穀不得和順成熟則 息民與蜡異則黄衣黄冠而祭為臘火矣 乃與諸方通祭以蜡祭豐饒皆醉飽酒食使民歆美 孔氏曰此論天子蜡祭四方不同豐荒有異兼記臘 文云既蜡而牧民息已先蜡後息民是息民為臘與 也前文云黄衣黄冠而祭不云雕之與蜡似為一 熟之方萬民謹慎財物也有順成之方其時之八神 卷六

とこうえ んよう 蜡異也前黃衣黃冠在蜡祭下故鄭知是 臘也不與 為蜡祭以記其功當國不成則不為蜡成則為蜡 月起日至而畢也 皇氏曰此一即據諸侯之國而 功謂不興農功若土功則左傳云龍見而畢務戒言 長樂劉氏曰九州之諸侯保育其民者也各視其年 也火見而致用水昏正而裁日至而畢土功建亥之 祭祀傷其衣食也易之損曰曷之用二簋可用享言 之豐山則蜡之祭有行與不行馬所以謹民財不以 禮記集就

動玩四月全書 成之方其蜡乃通者以谷百神所以致豐穣之勞也 荒大札則令邦國移民通財舎禁弛力薄征緩刑然 燕勞之所以勸而移之也易其不勤以為勤移其心 凶年而約其禮也順謂五氣時若成謂九穀皆登順 則蜡之通不通皆聴命於司徒矣蜡禮既畢然後息 也易其不足以就有餘移其身也大司徒之職曰大 以移民也者民底厥勤以至京坻之積光因祭報以 民之祭行馬然則黨正國索思神而祭祀者蜡也非

其所職馬其所職者於蜡之後以禮屬其黨之民飲 嚴陵方氏曰記四方者記四方之豐凶也年不順成 酒于序以正齒位而謂之息民者息其田野之勞而 收之也物既收則民亦息民息則一歲之事已矣故 此以蜡而記其豐也蜡乃合聚之祭故因其合聚而 曰民息已前言息田夫此言民息互相備也功者民 人於邑居以習禮義故正其當位以為庠序之先馬 · 蜡不通此以蜡而記其山也順成之方其蜡乃通

次已日華人

禮記集就

1

金少世人人 農夫則此所言功止謂農功阚若夫宫功則執於建 力之所致民息已故既蜡君子不興功且蜡本以息 算則皆若狂矣子貢觀於蜡謂一國之人皆若狂賜 祭祀則以禮屬民而飲酒于序以正齒位及其酒無 馬氏曰四方年不順成八蜡不通所謂點之也順成 月而既蜡君子未始不興功馬 亥之月土功則畢於建子之月武功則續於建丑之 之方其蜡乃通所謂陇之也周禮黨正國索思神而 表六十六

延平局氏曰蜡之所以不通者謹民財也謹猶言節 **未知其樂則狂者乃美之之意也**

收民息已 則歲終矣萬物皆收成而百工皆告休故曰既蜡而 也蜡之所以通者敛民之所有餘而共其祭也既蜡 山陰陸氏曰言記以不忘四方百物之功司熟曰凡

有功者銘書於王之大常祭於大烝以謹民財以移

民也禮以謹之樂以移之既蜡而牧民息已春播種

欠こり見んこう

禮記集就

孟

多分口足人可 沙隨程氏曰聖人治神人之道以為茍曠其職如神 清祀蜡祭之名蜡雕之利名也漢栗火德以戊日為 禮之存者猶可及也 不通者亦變置社稷之意非區區為民財不足而謹 者亦不敢不致罰也然則四方年不順成之所八蜡 之民作秋收斂之民息 南豐曽氏曰博士和峴言蜡始伊耆而三代有嘉平 之也唐禮蜡祭年不順成則絀其方守之神也此古 卷六十六

恒豆之道水草之和氣也其醢陸産之物也加豆陸産 鵩臘接也言新故相接故田獵取禽以報百神享宗 雕如禮便制曰可雖本朝 應於禮請如開元事蜡百神祀社稷享宗廟同用戊 與推應火行以成日為臘而獨以前七日辛卯蜡不 廟旁及五祀以致孝盡虔魏晉同之唐以土王貞觀 之際尚用前寅蜡百神卯日祭社辰日臘宗廟至開 **元始定禮制三祭皆於臘辰以應土徳議者是之宋**

次已日東人

禮記集故

产

而貴多品所以交於神明之義也非食味之道也 也其醢水物也籩豆之薦水土之品也不敢用常褻味 直磨糖饋食之豆有葵菹<u>羸臨</u>豚拍魚醢其餘則有 簟 尊弄醯醢鸞刀所用之宜恒豆謂朝事及饋食恒 常所薦之豆所盛之菹是水草和美之氣若昌本苑 雜錯云也非食味之道言禮以異為敬 鄭氏曰此謂諸侯也天子朝事之豆有昌本麋糖於 孔氏曰自此至后斷也一節總明祭祀蹇豆酒醴莞

是也鄭知此謂諸侯以其與周禮天子豆物不同也 之屬是也加豆所盛之醢用水中之物若羸醢魚醢 酳尸之後其菹陸地産生之物而為之若葵菹豚拍 **菹是也其所盛之醢陸地所産之物也加豆謂祭末 菁菹鹿鸛菁菹非水物與此經異也天子饋食之豆** 豆有芹菹鬼醢深滫醯醢筘菹鴈醢筍菹魚醢芹菹 有奏菹羸醢豚拍魚醢與諸侯加豆不同其天子加 天子朝事之豆有昌本麋鵯が疽磨鸛與此經同其

欠巴口臣 江台

禮記集就

ŧ

金灯山屋有量 與深浦及箔菹等非陸産也處與臨臨非水物也與 多而味不美也所以交接神明之義取恭敬質素非 豆此連言遵者遵是配豆之物所盛亦有水土所生 此經典也鄭總云其餘則有雜錯是天子與諸侯異 横渠張氏曰古亦有燕器祭必為遷豆簠簋者非聖 如人事飲食美味之道也 也所薦之物不敢用常褻美味貴其多有品類言物 也其籩豆所薦之物或水或土所生品類也前唯言 基六十

盛物之豐且令人持之專敬 嚴陵方氏曰恒豆謂所常進之豆加謂於所常進而 物即水産也上言水草之和氣則知下之所言皆和 朝事饋食矣菹酶菜也醢肉酱也上言恒豆之菹則 有加者以恒而對加則加為暫以加而對恒則恒為 氣也常所食者皆褻而不敬故謂之常褻謂交於神 人不能為也蓋欲異其器而不通褻用又欲其器之 知加豆之陸産亦道也上言陸産之物則知下言水

欠日日見とう

禮記集就

武二.

金贝巴尼白雪 **冝道言其所由篇首言遵豆之實此言薦者實言實** 明者在誠而不在味故曰非食味之道也義言其所 延平周氏曰朝事與饋食之豆非無陸産之物也以 産者為主 水草之和氣者為主加豆非無水草之和氣也以陸 山陰陸氏曰恒豆舉苑菹麐鵯故曰恒豆之菹水草 之於中薦言薦之於上 ~和氣也其臨陸産之物也加豆舉筍道魚臨故曰 基六十六

欠こりをから 先王之薦可食也而不可者也卷冤路車可陳也而不 以同於所安樂之義也 之器可用也而不可便其利也所以交於神明者不可 可好也武壯而不可樂也宗廟之威而不可安也宗廟 加豆陸産也其醢水物也 也祭祀薦羞質而無味不可散嗜衮冕路車尊嚴不 孔氏曰此總明祭祀之物不可同於尋常安樂之義 鄭氏曰武萬舞也 禮記集就 ŧ

嚴陵方氏曰水土之屬謂若遵豆之實水土之品可 可尋常來服以為榮好也武是萬舞大武以示壯勇 執干戚以為勇壯之容而非所以樂其情馬宗廟奉 即大路也可陳之以為儀而不可資玩好之用武舞 食之以為禮而不可供嗜欲之求卷冤龍衮也路車 以自安宗廟之器共事神明不可因便以為私利 之容不可常娛樂也宗廟尊嚴肅敬不可寢處其中 鬼神以示威靈之居而非所以安其身馬祭器不拾

者可好之類是矣此言先王之薦可食而不可者則 **燕器之利而便於用安樂者謂所安而樂之也若可** 應行而字 之器可用而不可便其利則知疏布幂與夫浦越東 可陳而不可好則知素車之乗亦不可好也言宗廟 鞂皆不可便其利也前總其略後別其詳 知後之所言玄酒明水與夫太羹皆不可耆言路車 山陰陸氏曰宗廟之威亦釋大武若言宗廟之威不

欠二可見 八五

禮記集說

Ŧ

交於神明者不可同於所安爽之甚也如是而后宜 漆雕幾之美素車之乗尊其僕也貴其質而已矣所以 尚明之也大羹不和貴其質也大主不琢美其質也丹 酒醴之美玄酒明水之尚貴五味之本也黼黻文繍之 美疏布之尚反女功之始也莞簟之安而浦越豪靺之 鄭氏曰尚質貴本其至如是乃得交於神明之宜也 席也明之者神明之也琢當為篆字之誤也幾謂漆 明水司短以陰鑑所取於月之水也蒲越豪鞂籍神

金月口月月

基六十六

尊尚其古故設尊在前幂人云疏布幂八尊 禮器云 飾沂鄂也 **犠尊疏布屧是疏布之尚也凡常所居下党上篳祭** 陳列酒尊之時明水在五奪之上玄酒在三酒之上 孔氏曰此明祭祀所用之物尚質貴本玄酒謂水也 樸素貴其質而已矣此一句包上酒醴以下諸事言 以丹漆雕飾之為沂鄂而祭天以素車之乗者尊其 天則滴越豪縣之尚是神明矣雕謂刻鏤言尋常車

たのうという

禮記集放

Ŧ

弘贞 四月 全重 祭祀之時不重華飾惟貴質素而已以其交接神明 横渠張氏曰明水飲之祖毛血食之祖所以反始也 不可同於尋常身所安聚之甚也尚質尚儉如是而 長樂陳氏曰禮之初有明水而已明水而後有玄酒 後得交神明之義 **玄酒而後有五齊五齊而後有三酒至於三酒則事** 水者陰鑑以取於月之水也玄酒者黑黍和于水之 神與人者備矣又有六飲所以純乎人而致養馬明 卷六十六

大足の最大的 酒也考之此經則酒與醴固不同而玄酒明水亦與 金華唐氏曰周禮有明水而無玄酒則明水即玄酒 也合之以為一則非矣 為二物也加於齊則謂之明水加於酒則謂之玄酒 郊特牲言酒醴之美玄酒明水之尚非以玄酒明水 言明水而不言玄酒則明水玄酒之非二物可知也 以共祭之明盔明燭共明水大司寇奉其明水火旨 也司烜氏掌以夫燧取明火於日以鑒取明水於月 禮記集就 =

金叉で足ん言 嚴陵方氏曰夫味以淡為本感於鹹作於酸化於苦 窮於甘變於辛玄酒明水則淡而無味故曰贵五味 且玉藻曰凡尊必尚玄酒而不曰尚明水玄酒則明 則五米之所刺言文則章可知言繡則續可知是皆 之文作於東南成於西南故也續則五米之所會繡 色則黑與青青與赤謂之文赤與白謂之章以天地 水之與玄酒決非二物 之本也黼作斧形其色則白與黑黻則兩已相弗其 基六十六

莫如淡大羹則以淡為質而已物之美者莫如玉大 **主則以玉為質而已素車之來即前所謂來素車是** 也尊無非貴也樸無非質也故下總而言之則曰貴 之也者謂其潔著之也若玄酒明水之類莫非明之 麗女功之蠹矣以疏布之尚故曰反女功之始也明 色之美者也布之精者升多而家粗者升少而疏女 也於浦越豪鞂言之者以其無餘義故也味之貴者 功之作始於祖久而後至於精故揚雄曰霧穀之組

たこりをした

檀把集就

言貴不可以言美尊其樸也變美言尊樸之名尊老 同於所安爽之甚樂猶有義馬聚則甚矣 其質而已矣前曰不可同於所安樂之義此曰不可 子曰樸雖小天下不敢臣不言以直不可也據不可 山陰陸氏曰貴其質也言貴不言美大羹玄酒可以 之薦之類則言安樂之義於酒雕之美則言安襲之 延平周氏曰安聚之甚不止於安樂之義故於先王 以同於所安樂之義也

とのする という 言美其質質未至於樸故於言 甚大主不琢固已美矣故大羹則言貴其質大主則 **柔車則特言樸** Ē

			مغروس		 	
禮記集說卷六十六	·					銀分四月分書
六						卷六十六
		·		-		